

三
松
堂
集

三松堂續集卷五

始己卯春
至辛巳夏

吳縣潘奕雋榕皋

梅麓明府寄示新詩次韻奉酬

每吟佳句憶陰何，忽覩雲中鴻影過。
逸興如君遊罨畫，頽齡笑我學維摩。
懶看江上山千疊，且試風前墨一螺。
最羨高齋清晝暇，研池勺水渺煙波。

再用前韻柬寄梅麓並索和句

衰遲戢影學蘇何，却訝仙臈不我過。
罪屑捧來掌屢合，折釵玩處眼頻摩。
何當燕寢捐鳴珮，同坐松軒試碧螺。
莫笑病夫猶技癢，須知古井久無波。

題魚樂圖

風吹翠苻香雨漲春波賦一燈有江湖生機渺無際
洋洋策策復堂堂濠濮悠然味儘長南北東西蓮葉府
那知塵土有蜚蜚

吳符階舍人僧服小像

佛氏說觀空聖門占良背達人會其旨一笑捐纓珮冷
冷丈室中寔息同嚮晦非無戲瓦童擲水來成隊不少
六鑿擾戰勝魔乃退出機復入機非外亦非內能通不
二門自得大自在妙哉一蒲團儒釋兩無礙

聽松圖爲陸翰樓

覆地蒼雲坐對宜和鳴定有鶴棲枝何當添寫林間影
要看沖霄振翮時

穹窿道士李補樵索詩

鍾吾仙侶有營邱早脫塵緣物外遊讀畫從來忘晦朔
看山渾不記春秋養成土釜畱丹頰挽得河車未白頭
我欲因之謁回老朗吟同上岳陽樓

汪桐生桃花山館圖

溪光嵐翠與年新回首家山卅載春十里紅雲千尺水
扁舟何日訪汪倫

題梅麓卷爲齊梅麓員外

我家太湖濱君住黃山麓香風兩地吹幽賞苦不足
山色六時變梅花萬古春橫斜疏影裏難得是閒身
身異當年健山如昨日看幽香生絹素吾亦憶前歡

贈尤春樊舍人

右史辭階藥舫幽伴蠹魚愛繙陶令集懶寄子公書六
十未爲老尋常頻過余皋比能守素真性自如如

春樊掌教

平江書院

健筆躡西堂南園歲月長閒情遊赤壁浩氣養干將
壘石題曰小赤壁壁間古劍可愛余欲奪之不許
雨滴梧桐院風清薜荔牆惟
應了幻叟來其話行藏

余七十後自號了幻道人

睡起弄筆

日昡客初去，翛然息我慮。秋先來笛簟，暑不到華胥。栩栩身如寄，蘧蘧樂有餘。竹窗茶半盞，還展讀殘書。

朱虹舫宮庶

方增

餉樵李

嘉果因時熟，攜來梅里船。堆盤仙露飽，入手爪痕妍。韻事詩翁述，殊名花史傳。竹垞翁詩聽說西施曾一酪至今類類爪痕添今驗之信然花

史又云吳王醉西施於此故

又名醉李越絕書作就李 慚無瓊玖報銘德，紀新篇。

丹徒張貞女詩

許字李之淦淦死守貞

天上玉樓成，閨中噩夢驚。女貞標勁節，杜宇助啼聲。月冷支機石，風高鐵甕城。待看

綸綍賁彤管播芳名

螢火和韻二首

腐草何時化依人似有情良宵無客過小院覺秋生林
外月初墮樓頭參自橫

時望雨
孔殷

巡檐頻徙倚屏燭坐深

更

能晦復能明卑棲任意行自珍獨照朗那有不平鳴弱
植依秋草高飛憶玉楹兒童莫相戲紈扇關輕盈

曝背

曝背攜藤杖長天一鳥還更無殘客過自喜秃翁閒臘
盡寒猶在春回暖尙慳詩筒兼酒盞漸減要全刪

送槐江同年入都

露白迎秋序，駢征祝

嘏。臣涼風掃賸暑，快雨壓輕塵。戀

闕恩深地，懷山病退身。所親期後會，屈指嶺梅春。

送姪槐堂入都

桂林秋正好，擊楫過山塘。看挈言詩侶，門下土楊重趨

待漏行朝。

天心自切報國歲，方長轉眼庭梅綻。來分春酒香。

小疾偶吟

小疾謝遊侶，幽棲枯類禪。暫停沙尾棹，却省杖頭錢。友

訂遊焦山夢醒時還續吟成不入編童孫呈近稿撥燈

尚未成行

喜能傳 祁孫學制義未能成章而楷法漸進

望雨復用前韻

禱雨雨不應明霞照我廬風疑驅旱魃波欲乞靈胥

詩門

外田疇因太湖水從胥口入得資灌溉

節屆秋分候涼慳白露餘漫吟雲

漢什誰考廣川書

春秋繁露祈雨有縱諸陰閉諸陽之術

張桂山廣文聽松圖

清泉瀲灩風謾謾松根茯苓可服食誰能翻動神仙窟
幽人獨具凌霄姿聽松酌泉自哦詩何當結侶攜筇枝

嘉平二日過訪槐江同年畱飲齋中出示喜歸

新詩和韻

聽唱驪歌促治裝，征帆今喜返吳閫。
河聲嶽色添新詠，蘆雪菰煙戀故鄉。
開甕正歡重碧熟，拂衣猶帶軟紅香。
橫窗冷蕊疏枝好，索笑還來共引觴。

喜悅研少寇歸

勞生均物役，誰與寄當歸。
達者能觀化，耆年合息機。
守將土釜暖，斟取玉池肥。
莫問門前客，相攜訪子微。
司馬子微

有坐忘論君精養生理故及之

孫樸齋松陰小憩圖

長松怪柏圍巖扉，蒼雲一片涼墮衣。
幽人獨坐耳目遺，

鏗爾似聽琴聲希高懷肯受塵網鞿行春橋外春已歸
龜峰塔下晴雪霏布颿十幅逐鷺飛何當相攜入翠微
梅花村路紅正肥

己卯嘉平春樊舍人復舉東坡生辰之集諸君
子皆有作余心衰筆秃不能繼聲吟誦佳什
復此效顰

坡公生辰例有詩雷門布鼓嗤我癡今人那有古人句
古人豈愛今人辭年年此日期良覲進酒無勞李委笛
且教垂幔聽瓶笙可許放舟遊赤壁高齋燭影自搖紅
歎公人厄非天窮歸坐閒窗繙宋史不思和仲思蘇翁

蘇翁蘇雲卿也春樊庭中石壁題

曰小赤壁故有可許放舟之句

嘉平望日登天慶觀彌羅寶閣

天慶觀卽今圓妙觀

層樓岌業于城中齋宿摳衣歲歲同豈以清遊娛暮齒
要憑昭鑒攝微衷就瞻尙懍

時巡盛

乾隆甲辰三月
圓妙觀奕雋借扈

高宗純皇帝南巡幸
蹕暨在籍諸臣跪迎觀門

外呼吸真疑帝載通依檻不嗟筋力減喬雲快觀滿晴

空

今歲寒甚
是日晴暖

庚辰新正二日悅研用韻見答再用韻奉酬

說法原無法言歸未是歸此心絕塵網到眼總天機風
暖林禽脰泥融徑草肥妙門能我導應許析元微

其二

年衰驚歲改寒盡喜春歸
會得簡緣訣先教杜德機
蘊空知垢淨戰勝覺臞肥
蟄室堪趺坐三田精氣微

佩珊用歸字韻見示對雪之作疊韻答之

飛絮檐前急餘寒未肯歸
因之絕塵想可以悟禪機
集葉松枝亞封條梅影肥
草堂入畫裏誰是陸探微
三徑最岑寂樵青踏凍歸
蟲猶甘蟄伏鳥似慎樞機
冬釀盈尊湛江魚入饌肥
無言僵臥冷耳息正清微

張蒔塘明府趙州禪味卷

解組懷陳迹聽鐘悟夙因
須知蘇玉局五戒是前身

梅麓寄示見懷並與遂菴少寇對山草堂看梅

商略卜居疊韻諸作次和二章

酒闌分袂歲將殘
新歲連朝風信寒
短札至今藏袖裏
片帆何日挂河干
但將好句更番誦
可惜繁枝不共看
準約清明晴暖後
松寥相對坐蕉團

遂菴梅麓向有同遊焦山之約近復

有書相訂故云

歸裝料理有叢殘
琴鶴襟懷本耐寒
試問移家入罨畫
何殊築舍接長干
行藏早信前緣定
喧靜真同一例看
且趁閒身來作達
山塘粉蝶已成團

近年吳玉松太守卜居未定僑寓山

塘詩酒自樂梅麓向有卜居吳下之說故云

春日倉敞庵太史宋悅研侍郎吳槐江尙書集

治園俛仰今昔慨焉有作

盞簪真可樂把盞獨含悽到眼延新賞驚心閱舊題天

高雲自卷風暖鳥能啼何限憑闌意微吟白首低時芝

史捐館已三年哲嗣糊芸廣文下世亦逾年矣

折柳情深圖爲悅研題

珍重離亭酒幾巡吟朋攜手不勝情煙條露葉西風裏

欲爲歸人綰去旌

促坐傳杯又一時披圖先誦故人詩圖中題句者桐門桂船金門琴柯雲

舊皆余舊好故云虎山橋外春波暖不礙紅衣狎釣師

思貽堂題壁寄柬儋餘比部

出郭無百里挂帆維一程幽人耽野趣小築喜初成萬
慮見山盡孤懷與水清何當來結侶蓑笠課春耕

晤孫樸齋有贈

山市憎喧雜高齋愜靜便來看雲出岫喜聽石流泉

樸齋

能琴爲彈石上流泉一曲

客意澹如此余懷閒復然白鷗沙際立相

對亦前緣

朱南臺司馬天風海濤圖

如馬風檣破浪馳柁樓色變有篙師那知坐嘯安閒者
只似中流自在時

高齋曾聽理冰絃羊體嵇心憶古賢我有幽懷無處寫
刺船也擬訪成連

石琢堂廉訪用歸字韻贈詩疊韻奉酬

芸生均逆旅弱喪幾人歸自得知仁樂因忘朝市機過
橋碧漲暖夾岸綠陰肥待放江干棹相攜入翠微

高齋標獨學羣彥識依歸

時掌教紫陽書院

其領吟風趣還參

掣電機筆花老更燦詩品澹而肥金錯難爲報衰慚腕
力微

雨中劉小峰招同玉松松坪集寒碧莊

今日歡良會名園正杪春客真來舊雨天欲禁閒人覆

水藤花合拖煙柳色勻，
輞川逸韻在看取畫圖新。

欲倩王椒

畦寫圖

石琢堂居士僧服像

人疑王子猷，地是風篁嶺。
淨几展橫圖，蕭蕭拂雲影。
得句合先呈，佛消閒偶賦。
遊仙那有子，瞻玉帶肯畱思。
邈金錢

小憩蒲團萬慮清，白頭誰與話無生。
支筇我欲攜琴友，來聽窗前景雨聲。

登焦山用東坡金山詩韻

挂帆直到江盡頭，要看滄江入瀛海。
中流溼翠湧仙山。

仙人已去山猶在衰齡髮短如頭陀一生浪走輕風波

耽幽偏愛釋子宅山椒鱗比蜂窠多吟朋結侶

葵源齊
梅麓丹

徒張晴初
馮仲霖

喜維楫飲滌餐霞畱兩日收覽遙岑螺黛青

寅賓晨旭鯨波赤蕩胸駭目飛吟魄拜風跋浪江豚黑

斜陽倒射珠宮明驪龍晝眠波不驚揚州羅生

聘

舊相

識漫說山根有鬼物欲題姓氏託名山山神笑客真癡
頑拈毫禿澀姑且已孤負眼前好山水

松寥閣贈海門禪師

江山自清曠屋宇極幽深高臥見帆影開窗橫樹陰老
僧斷聞根結構出匠心一室娛烟霞兀爾怡沖襟爲問

浮杯者錫飛何處尋

時訪方丈僧
不值故云

梅麓晴初仲霖同遊觀音巖

山鳥不知名山花幽更清巖前危棧曲籬外大江橫道
契形骸略心開腰脚輕石亭塵不到小憩聽濤聲

曉青堂題壁

堂在水晶庵

暮齒宜遐覽良辰助勝情入天惟樹影繞屋有江聲地
僻人稀到波恬夢不驚曉青吾再宿幽賞愜平生

水精庵贈卓然上人用梅麓韻

名山可結宇退士愛棲禪自得真如諦同遊不住天軒
窗無俗韻櫻筍有時鮮欲去因畱句重來訂後緣

曉青堂夜話贈梅麓員外

湖頭半醉惜分攜聞道移家罨畫溪誰料今年春盡日
松寥閣上聽鶯啼

綴枝盧橘黃猶未出水鮪魚味正鮮明發江邊解纜去
人生飲啄信前緣

海山回首路茫茫五嶽前期未可忘却惜樓頭王子富

但拈畫筆學螭螭

梅麓言其鄉人事

我亦當年勇退人白頭畱滯幻泡身知君眞有神仙骨

一卷藍關證夙因

梅麓示所攜宋人雪擁藍關畫卷

象山初弭楫遵麓到茅庵面壁禪心定瀕江茶味甘鶯
花春已去臨眺客還堪欲別頻回首重來曲徑錯

自焦山放船登北固山用東坡焦山詩韻

我生結習雲水耽投老足不離東南江山第一說北固
金焦對峙參成三昨從焦山放歸棹清和時節剛眠蠶
勝遊難得風日美嬾不登眺終身慙篋輿曲折陟層巘
別嶺綿亘凌澄潭是日不晴亦不雨綠陰如幙遊蜂酣
鶴林海嶽跡已古遺事愛聽邦人談山腰山房最幽絕
閒花半放依經龕入門小憩僧供茗江心泉味清而甘
餘年自喜天所假夙好不怕人云貪長廊摩挲雲壑筆

毫矣筋力衰還堪秋深準擬更結侶山脚信宿棲茅庵
江干過馮稊生居時稊生在蘇次君仲霖畱飲

齋中題壁

爲放遊山棹因尋隱士廬開軒俯場圃

園中林木蒼鬱
植牡丹數十本

萱草一畦入室弄琴書

稊生善琴嗜書畫

愛日春方永

壽母年八十有六耳目聰

明含飴樂有餘

稊生年未六十已有孫就塾矣

鼠姑庭角綻或者是孫

余余數年前曾爲稊生賦綠牡丹詩今已夏初而花方盛故云

京口雜詩

八十遊山事頗奇山中愛誦故人詩到心往事偏能憶
說與沙鷗總不知

論山詩筆夢樓書話到前塵幻影如北固山房閒啜茗
望中山色渺愁余

昔年與王夢樓太守鮑論山郎中談
焦山之勝今始得遊而兩君歸道山

矣久

東閣梅花墨韻清綠陰晝靜聽吟聲空餘壁上銀鉤字

畱與參寥說姓名

約齋齏使前在農曹與論詩最契緣
陰晝靜之軒其讀書處也揚州太守

伊墨卿爲同年雲林光祿令子工隸書善畫梅焦山方
丈觀壁間石刻題名振觸舊遊不勝山邱華屋之感

沙路縈紆竹逕斜江干小築似山家憑闌却悵客來晚

不見詩人李小花

小花京口詩人也
有自書詩刻余爲題額

坐看晨曦又夕暉橫江帆影自依依我嫌桑下成三宿

何事山僧猶未歸

謂詩僧
巨超

彼岸能登路不賒江聲雲影片帆斜好山幽絕無人賞

石壁朱藤自作花

是日放船過象山山腰藤花盛開借石壁峭絕不能一登

西門橋外臨江閣北固山前木末樓安得扁舟重載酒

更邀平子共吟秋

時軻齋司馬在揚州以未獲同遊爲悵

卜鄰我欲去鄉關來占江干水一灣風軟酒闌移畫舫

月中橫篴到焦山

晴初言昔遊之樂如此心竊羨之

洲上王柳村余二十年前曾識之昨小峴言其

近詩之工意欲邀之過江病不能矣以詩寄

懷

曲江亭倚翠屏洲中有詩人郊島儔君病吾衰不得見

隔江吟望思悠悠

戴松門廣文以詩惠寄構李次韻奉酬

風物江鄉暑雨過喬柯淨相亞枝多

構李以淨相寺一株爲最開函

試驗纖痕在比似楊梅味若何

莫譚閩海陳家紫漫說唐宮一捻紅珍重手題畱顆顆
披襟吟賞對薰風

圓勻入手色堪憐一顆親栽小圃前
知君鑽核陋當年

正是連宵風露清墨痕祝並爪痕生
要傳佳話添新譜

聽取吳中戴李名

君每顆手書戴字以識故云

竹坪圖爲汪竹坪

篔簹谷裏清風滿與可指頭涼雨生最是秋坪新月好
小窗又見一枝橫

槐江貺佛手

清風驅毒熱淑貺展瑤箋合掌如聽偈拈花可悟禪供
宜蘄簞上香到硯池邊蟄室同僧舍跏趺結靜緣

以白荷花露餉槐江

東林依古社金掌憶天漿聽到無生話分來自在香舌
根餘淡泊心地得清涼一勺能蠲暑閒緘試請嘗

張雲巢太守西窗話雨圖

白蘋洲上晚涼生
細雨春波拍岸平
想見凝香官閣裏
一燈如穗酒同傾

昨宵有夢到鷗邊
要結西窗翰墨緣
青籜綠蓑攜靜侶
烟波鼓舵待明年

嘉慶二十五年七月二十五日

皇帝上賓

詔到在籍臣工齊集永定講寺述哀一律

雨泣蒼梧野雲沉
紫塞天山呼猶昨
日鶴語忽今年
世喪

神堯考臣號黃帝仙
鐘聲古寺咽
率土淚潺湲

自題水雲圖

一枕蘧然五十年三間板屋下飛仙紅塵滾滾催人老
何處重尋過去緣

署得頭銜是水雲幻軀自信絕塵氛空明世界蓮花滿
悟境先從鼻觀熏

掃除結習淨心源耄歲新知孰與論寶筏他時來覺海

導師只合禮文元

宋晁文元公有法藏碎金錄耄智餘
編二集余七十後始得見之愛其潔

淨了徹貫通三教覺翰墨緣猶是文字障也香光
晚歲當亦悟此惜未得夢中再晤重與細論耳

九日和槐江韻

更無佳興賦登高秋士吟成語不豪濁酒對斟懷舊雨

素衣相訪有同袍，病餘自放沿溪棹。老去能題幾歲糕，
風帽半敲簾半卷。步檐倚杖首頻搔。

懶開倦眼望天涯，遠道鱗鴻信總賒。荒砌獨搖泣露草，
廢畦還放傲霜花。菰煙蘆雪閒身在，青瑣彤墀昔夢遐。
和得新篇揮秃管，數行澹墨字敲斜。

重九日梅麓以詩寄懷并告知將欲移居荆溪
卽用前韻寄賀並訂東湖之遊

開函不覺誦聲高，爲豁紆襟氣以豪。陽羨今真來玉局，
香山早喜脫緋袍。歡顏已動村村稻，吉語先傳節節糕。
吳俗重陽餽餠，新年亦餽餠，移居亦餽餠。有年年餠節節糕之諺，蓋以餠諧高也。吟到十年塵

土句快如奇癢得爬搔

門前有路卽天涯三舍扁舟路豈賒近臘漸應舒岸柳

衝寒料可放園花

移居須仲冬

溪山罨畫從君占雲水相羊

莫我遐爲語煙波簑笠客不愁雨細與風斜

看菊偶吟

本是逍遙物外身繞籬愛看菊花新林間小鳥偏工語
竹裏遊蜂故趁人且闔雙扉習水觀肯教六鑿擾天真
致柔更釋嬰兒旨守黑惟應養谷神

題畫

鐵幹穿雲根寒香拂苔嶺忽見翠羽飛想像逋仙影

三姪自都中歸爲語額約齋侍郎問訊近況感
念今昔以詩寄懷

粉垣雞鶴憶同枝芳訊傳來感別離壯歲知心能有幾
衰年會面復何期鶯花燕市春回候冰雪湖天臘盡時
昨日松風引我夢與君攜手諷新詩

幽棲二首

屏跡花橋畔幽棲不計年以衰塵事遠因病道心堅易
悟歸藏旨詩歌幽雅篇蒲團聊踵息非爲慕神仙

吉士戒妄動褊衷宜索居開軒飛野馬散帙走文魚旨
蓄三冬有跣趺文室餘奇溫珍稻草栩栩復蘧蘧

今年苦寒

鄉人言新稻草之暖因
試用之果勝重茵也

和小峴司寇山園雜詩韻前首憶寄暢之遊後

首堅西湖之約並柬梅麓員外兼寄戴松門

廣文

棕鞵桐帽共婆娑縱步還將靈壽拖最好名園依綠水

更邀上客坐烟蘿

謂笠耕
觀察

松花美味嘗黃雀

惠山黃雀
食松花而

肥美惟三
四月有之

翠釜奇珍賽紫駝可許風流成二老壑臞天

與此巖阿

小峴夢一道人贈印一
方題曰壑臞因以自號

莫因衰白歎桑榆戰勝無論肥與臞看到雲煙都是幻

坐來主客便成圖言詩那得康成婢

余因病目不能觀
書思覓一知書女

子誦而聽之
而不可得
泗水何須陶峴奴
準約嘉禾戴安道
駕湖

泛罷泛西湖

梅麓先有西湖之訂近戴松門復訂過禾同行故云

復用前韻答和韻諸君子

草堂松竹裏風景逼殘年
帖但摹長史

目疾乞書篆隸者以行草應之

取其速了耳

書還讀孟堅

十年前點閱漢書未竟今閉戶無事因卒業焉

舊遊渾似

夢漫與不成篇
厚意慚親故
給之曰老仙

硯北真堪隱
牆東亦有居
貽來青玉案
珍抵紫金魚飯

熟吟成後茶甘夢醒餘
相看同適適
寡過或希蘧

十二月二十日天慶觀登彌羅寶閣

歲撰嘉平日
虔趨如意門

吉祥如意左右二門額

升階瞻斗近拾

級儼參捫心本超三界身疑傍九閭層樓香醅馥殘臘
喜春溫

庚辰長夏道暑掩關晝寢松軒夢遇陶山廉訪
至一處峭壁當面層巒插雲陶山縱步余亦
鼓勇同躋其巔孤亭翼然並坐啜茗長松軟
草絕無纖塵意非復人間世松風拂衣蘧然
遂醒越日以語陶山陶山亦心異之寫圖以
識並屬題句夫夢生於因余林臥已久固宜
有是夢陶山則振翼雲衢宣猷布化何緣邂逅
意者靈襟超曠多生結習未忘巖壑間趣

耶因就臆見賦此以質未知於高懷有當否也

長谷玉液闕石函金簡局何圖塵埃中躋茲羃翠庭四壁石髓瀉一徑幽花馨我欲攜長鑱松根斲茯苓結廬於此住以養三奇靈還邀孫思邈爲諷淨名經

公峩獬豸冠我拖綠玉杖栩栩復蘧蘧異境覩非想出處雖有殊襟期固無兩鳳凰鳴高岡勳業青冥上明農未有期譚元或相訪何年果此緣同聽松風響

南園謁尹陳二公祠

先哲謀猷遠南園祠宇新我來晴正午臘盡氣迴春物

態閒中覺官聲去後真旨哉至聖語直道在斯民

除夕和黃堯圃韻

幾人今日得身閒我自僧窗讀畫還爆竹關心又到耳
屠蘇入手且開顏年來漸覺塵緣減老至全將俗例刪
準待春江晴漲暖便浮舴艋去看山

遂庵司寇訂於二月杪同遊西湖

爆竹

忙事叢殘歲歡聲遍萬家徵名偏傍竹報信待看花催
得春光轉迎來喜氣賒開懷宜命酒快意儼排衙興助
辛盤集喧兼臘鼓搗太平真有象徹夜未嫌譁

燈花

喜事良宵報銀缸綴玉蟲燈明宜酒綠花發映窗紅香
熱書帷裏春生斗室中開疑因夜雨笑不倚東風漸減
窺園興還收繼晷功更深畱伴客好夢續文通

辛巳歲朝試筆

玉瑄風和歲序更病夫春到覺身輕近窗暖愛黃綿襖
布席珍嘗玉糝羹人道老宜疏筆硯吾知道在黜聰明
蟻龕小憩蕉團軟自喜門無剝啄聲

題嚴少峰太守少峰讀書堂圖卷

嵐翠尙依然蒼騰四十年晴窗看畫本夜夢到山前翰
墨畱新賞鐘魚記夙緣茅齋倘許結相伴入雲煙

顧半梅天衢振策圖卽送赴選入都

親民當路正求賢振策天衢最妙年定有兒童迎五馬
好將金勒換蒲鞭

轡馬能調剛與柔知君敷政自優優先民令望眞堪仰
漢代桐鄉唐道州

上考頻聞報最多繭絲保障問如何班春應佇陽春脚
傾耳先聽來暮歌

正月十四日招同倉敞庵太史余秋室學士宋

悅研少寇吳槐江制府小飲三松堂槐江用
明人唐叔達南翔八老詩韻作七古一首次

韻奉酬

樽桑晴旭升初曉平江路上春光好勝日招邀集素心
飲和欲把衢尊倒坐中何人年最高中州舊史來獨早
同年同省余宋吳相與促坐傾襟抱共言今歲元日晴
休徵占得百穀成長謠季重揮椽筆七字琅然玉韻清
白鶴村頭畱故事佳話流傳自有明新詩豈獨媿叔達
山谷是弟眉山兄我自歸田豐暇日日坐南窗理舊帙
未讀南翔記事章有如服食遺芝朮因君重諷八老篇
始知平地有神仙交梨火棗不足羨直以混沌全其天
願焚筆硯事耕鑿且與亞旅相周旋莫言身外榮枯事

其養山中松柏年

槐江招飲齋中

肩輿破曉指南城已有暄風拂面迎
自喜林泉忘歲月謬因衰髦廁耆英
杯斟竹葉心先醉坐近梅花韻最清
報答昇平復何事但占暘雨課深耕

側室徐氏名福涵字惠卿事余五十年
南北往來頗盡心力乾隆丙申於京邸生一子殤生
平篤信西方法喜茹素尤敬惜字紙得年六
十三今年春卒蓋其來也似亦有自於其斂
也書偈示之使無昧於所往焉道光元年正

月記

膠擾生存事辛勤五十年今朝真汝息莫更憶前緣
有生豈不化無係真如歸彼岸能心向觀空何淚揮

題畫四首

東風吹雨花光冥層嵐擁翠列畫屏泉聲瀼瀼隔幽磴
雲氣靄靄排空青小橋橫枕西溪側過客何由辨出入
日華潋灩與物榮芳草萋萋爲誰碧

百花飛盡綠陰成嵐翠湖光照眼明欲向天隨借茶具
柳煙濃處聽啼鶯

林空鳥不棲石瘦山無翠枯木蠹層巖其中有生意

雲氣滃空濛遙岑一氣中不知雲外寺林表度疏鐘

卜雅堂太守梧陰憩石圖

高梧碧入雲卷石平如砥畫戟凝清香游心到蘧几鴻
才領劇郡坐嘯無不理懸知冰雪襟定靜絕塵滓若非
六一翁當是羊叔子會見璽書來褒茲治行美載詠卷
阿篇離階用迓祉

三月十八日遊聞思吾與荷亭普賢諸靜室得
詩一首

避喧春不出首夏到山家却怪鐘魚地偏栽富貴花色

空原不二生滅苦無涯

荷亭向有大紅社
丹一本今化去

寄賞聊題句

風翻壁上鴉

吾與庵心誠禪師出示蓮池大師詩幅詩曰一
生心事只求閒求得閒來鬢已斑更欲破除
閒耳目要聽流水要看山
和二首留贈心誠遠塵二禪師

古人心事只求閒羨汝能閒鬢未斑自笑禿翁逾八十
年年來此坐看山

身閒難許是心閒莫說身閒鬢不斑且向門前來倚杖
但聽流水但看山

悅研招飲再用耕字韻

薰風吹暖闔閭城折柬還將舊侶迎新蔭又看圍曲檻
白頭偏愛對繁英交能耐久惟因淡詩到成家只是清
爲問何年梨棗熟相從要把寸田耕

題顧俠君

嗣立

前輩紀恩遺冊用同年余秋室

學士韻

曠代殊恩詎可忘誦芬遺冊有餘香於今枌社詩壇在
猶說當年秀野堂

始用杖貽之以詩

屏卻琴書硯亦焚橫拖筇竹看斜曛青山獨往誰思我
白首相依剩有君倚戶真疑壁擊電挂錢還共屐穿雲

朝來更欲攜茶具去訪巖棲鸞鶴羣

梅麓卜居陽羨招
爲東湖之遊故云

三松堂續集卷六

始辛巳秋
至己丑春

吳縣潘奕雋榕臯

庭下菊作花對酒偶吟

隴畔同聽蟋又鷓不妨沮桀耦而耕黃花三徑無風雨
白髮盈頭罷送迎儘有壺觴供笑傲底須旄鉞助精神
用劉賓客語朝來要喚東家叟瓠葉翻翻正可烹

寫蘭題句

一天暑雨過瀟湘夢醒松窗笛簟涼攜得清風來腕底
不知是墨是花香

望雪

望雪雪有待大寒寒不來雲容纔冪柳山意欲舒梅

或侵銀海

時余病目

書誰紉玉杯宵深頻側耳浙瀝灑瓊瑰

是日傍晚得有微霰

喜雪

微雨竟成雪連宵遂浹晨物情頻望澤天意果如人
濃
滲麥苗渥平鋪蔬圃勻迎祥占歲有喜氣溢郊闡

送人入道

世緣淺處道緣深天許栖身薈蔔林
丈室泠泠清似水
正堪冥坐去觀心

茫茫人海苦無涯擾擾浮生何處家
依得金仙能送老

看他合掌坐蓮花

蕘圃餽東坡肉以詩代柬和韻奉謝

推食慚山谷傳來蘇氏方問名品自貴登俎頰流芳
酒無須設侯鯖未必強老饕誇口福頤朶合先嘗

寄岳峰

昨夜秋風到敝廬今年芳思問何如
驚心往事餘陳跡
過眼雲煙看太虛
異撰底須論由點
委懷只合聽鐘魚
朝來欲放西津棹去訪聞思靜者居

寫梅一枝題句

山色六時新梅花萬古春香風引短棹待訪在阿人

孫備之醉墨圖行看子

書名一代擅香光秘笈曾窺醉墨堂

君收藏香光真蹟最富自運之筆妙

能入

爲語墨林談藝者替人今日在錢唐

畫被栽蕉枉費神蓮花世界悟前因

余有水雲圖爲同年張東畬所寫記

乾隆辛卯夢中遇香光事

無成多好嗟吾老欲學當時焚硯人

徐香巖刺史歸田行樂圖

有田不歸如江水達人慣說坡仙語無田不退甯非貪

北山移文良可慙人生苦趣誠難脫人生至樂誰能識

烹葵剝棗歌幽風尸鄉不見跼雞翁石湖儘有閒田地

歸田樂事真無旣還期結侶雲深處扶犁領取田間味

壬午元日喜晴

隔歲豐登瑞已成，緒風元日快新晴。
屠蘇入手寒威減，綵勝迎眸喜氣生。
杯裏蟻浮餘臘味，梅邊蜂暖是春聲。
老農準擬期彊，以去課東阡澤澤耕。

新正二日後連日大雪

眼昏手嬾一衰翁，擁鼻微吟蟄室中。
漸喜光明生戶牖，更無塵土翳虛空。
燈青未許頤黃嫺，昔人以黃卷爲黃嫺几淨惟聞響鞠通。
最是尖叉疊韻好，齊心同願祝年豐。

用翁字韻答和作諸君子

得失渾忘塞上翁，塵勞消盡酒杯中。
纖鱗脫網波原闊

逸翮翔雲天本空早識浮生同幻影底須榮願繫苓通
多君自喜吟懷暢知足由來暇日豐

雪霽用韻

邕邕近學祝雞翁得失雞蟲過眼中坐看長松團積素
愛聽碎玉落晴空掩關一枕塵緣斷隱几三杯大道通
我是堯民忘 帝力陋他安石頌元豐

余舉壬午鄉試今茲壬午復屆鄉試之期得詩
三首索秋室同年和

軒紀鴻圖啟

天衢文治昌微生甘鈍拙卅載守耕桑秋賦聯新侶賓

興憶舊行酬

恩更何地擊壤祝年康

八十人難到過三何敢期喜扶桃竹杖再聽鹿鳴詩玉
尺分光采

觚棱繫夢思祇應秋室老話舊許肩隨

同榜同年惟余
學士集今年八

十有五神明不衰僑
寓吳門時相過從

同根必相得衣鉢溯彭篋生物原因篤觀爻獲假年前

型嗟已遠正則信無愆懼負交箴意貽羞梓里賢

乾隆
壬午

浙江鄉試奕雋以商籍中式座師爲吾鄉彭芝庭先生
監臨爲番禺莊滋圃先生卽芝庭師門下士副主試爲
閩縣李璣庵先生又芝庭先生門下門生也是科首題
假我數年五十以學易次題故天之生物必因其材而

篤焉詩題涉江采芙蓉滋圃先生賦五古八韻一章呈
兩主試并示新科諸彥一時傳爲佳話詩曰同根必相
得真香必有色眷茲君子花無言秋浦側潤露清露恩
濯借之江力有美聯袂來殷勤齊拂拭相賞煙波間愛
爾去雕飾我聞佛蓮花一幻萬千億物理恒
寓言甘津生苦蕙所願兩無負盈盈標正則

獨坐小飲自和前韻再柬秋室媵酒二瓶用促

和章

寒蟲學瑾戶鳴鳳叶歸昌秋又香生桂人如日迫桑支
牀龜有息宿菼鷺無行何處能娛老吾將依杜康

余厭
塵居

之喧石湖某姓善釀秫作
酒割宅招隱心頗樂之

蓬壺不可到回老亦難期妄作飛騰想閒吟自在詩病
餘宜靜寄身外復何思妙訣坡仙得冥心息與隨

頑軀齊木石壽骨是明籤其際

唐虞代重逢壬午年嬰鳴聊寫意醉語待繩愆莫道元
亭寂相邀中聖賢

舟泊光福二首

野店山橋颺酒旗東風吹綻向南枝河豚橋外晴波暖
正是河豚欲上時

湖月去船只數尺風燈伴客欲三更扁舟一夜沙邊宿
喜聽村村打稻聲

光福宿思原堂示偉堂姪

暝色延春舫蕭然襍被輕雲門羣岫擁竹屋一燈明羨

爾幽居趣增余遺世情惟慚老且病難許耦而耕

木瀆過張春濤田居

春濤精於醫

老屋靈巖下幽人此避喧手能驅草木地可畜雞豚
澗上高風遠牆東逸軌存閒來時得句沈約好同論

謂小死

二月廿三日槐江同年招同宋悅研尤春樊吳

鑑庵集齋中卽席有作

桑榆暖處日初長勝侶招要共引觴放眼春光原浩蕩
閉門心地最清涼風風雨雨寒將往白白朱朱花又香
商略銅坑須信宿已從阿買借山莊

聞山中梅花大放
偉堂姪新築數楹

於河鮑橋花深
處擬往信宿焉

三月廿四日宋悅研少寇招集藤花齋

衰拙寡酬接沈默安邱樊曉來素心朋折簡開芳尊高齋藤花下譚讌臨風軒春深氣候和百卉亦已繁烹鮮侑旨酒霏屑聆佳言蕝羹太湖來中有煙波痕飫茲世外味娛我幽棲魂季鷹嗟已渺逸軌今猶存所恨沖曠懷難與達士論旣醉恣遊衍逍遙祛憂煩庭前仰松石庭下紛蘭蓀高詠考槃篇寤歌矢弗諼

春日秋室槐江悅研春樊小集須靜齋秋室有

作次韻

江城新霽足年芳也有春風到草堂陳迹莫談金谷裏

閒身且飲玉蘭旁

客談歸田園圃政園當年林亭花木之盛故云

放言最喜無

拘忌入坐相看盡老蒼却怪靈均詹尹卜較量汜汜與

昂昂

道光二年歲次壬午重遇賓興蒙

恩晉秩恭紀四詩

重開塵篋檢朝衣翹首卿雲護

紫微月地欣逢攀桂客煙津小別釣魚磯新鶯出谷聲

偏遠獨鶴依巢病不飛最是銜

恩增百感卅年前記侍

彤闈

奕雋于乾隆己丑通籍乾隆戊申告歸

簪毫委佩直

明光慣喫階前厚朴湯

宋文德殿爲百官常朝之所守

堂卒好以厚朴湯飲朝士當時朝士戲爲詩曰立
殘殿角梧桐影喫盡階前厚朴湯見溫公續詩話 陋室
銘成懷禹錫鑑湖波暖慕知章茅檐露蕊生機滿畫省
香鑪舊夢長愧與眾仙同拜舞更無彩筆詠霓裳
菰煙蘆雪一漁竿生性疏慵骨相寒燈火閒窗還課讀
雞豚近局也追歡

三朝食

德涵濡永

奕雋生于乾隆
五年歲在庚申

累世承

恩報稱難贖逐餘暉偕野老桑榆暖處話 金鑾

眞是康衢皞皞民觀河厯厯總前塵風欺秋柳嗟衰晚
菜食春蠶憶苦辛有限光陰眞素守無私雨露戴

洪鈞自憐控地榆枋鳥戀闕猶餘飲啄身

白門秋興四首

耄齡不怯別鄉關一葉扁舟雲水間客怪中年早解組

天容老眼更看山黃梁夢覺人何在海燕詩成意儘閒

那得心朋舊吟侶共攜筇屐上孱顏

謂嚴東有王荔林王封亭張雪鴻諸

君子皆上元人也

琳宮講習侍晨昏養翮藏修念最敦此日據牀真老子

當時操几是童孫舊遊陳迹從誰說一氣中宵默自存

華表鶴歸應有語渡江白馬又今番

乾隆丙子奕雋年十七先祖開齋公

攜之同試秋闈寓準提庵禱于武廟籤云尊前無事且高歌時未來時奈若何白馬渡江雖日暮虎頭城裏看

巍峩時先祖年六十七赴鄉闈者十三科矣
至壬午奕雋得售先祖年七十三猶及見之

玉尺樓高皓魄臨論文尊酒有同心燈青鴻爪全無影

沙冷鷗盟未許尋

乾隆丙午奉

命偕蕭檢討九成尺樓中秋月夜談

及登州勞山之勝相期宦退同遊今檢
討下世已廿餘年勞山之約遂成虛願擬借深杯蠲積

疾怕將急管攪冲襟明朝便放西門權去聽潮音與梵

音

尙記連檣破浪行松寥踏壁聽江聲轉頭鷓鴣成前夢

到眼林巒餘故情月色最明桃葉渡桂香又滿石頭城

裁詩寄與荆溪去莫惜輕帆幾日程

庚辰四月與梅麓員外遊焦山信宿

松寥閣有今秋重遊之訂

燕子磯阻風

鼓楫復迴舟天教作勝遊一亭標絕巘峭壁壓中流本
自無營戀何妨小滯留白鷗最閒適相伴荻花洲

題錢籜石宗伯花卉卷後

萬松居士今不作慈伯編修亦已仙安得扶筇還載酒
裹糧重放秀州船

山鳥山花吾友于杜陵妙筆最清腴老夫足力今非昔
只合憑軒看畫圖

許師竹道人移石居圖

曾識當年玉斧孫慣攜笠屐訪雲門閒來欲借高齋宿

細諷黃庭守道根

書生豔說科名草逸士曾栽旌節花莫爲新圖徵故事
須知作飯忌蒸砂

答秋室賀詩韻

撥垣簪筆幾經春鴻雪泥痕話已陳閒客最宜員外置
虛名慚愧說詩人

來詩有爭羨頭銜今特晉從來員外是詩人之句故云

復用韻和秋室學士

新詩記讀小陽春

秋室試於乾清宮小陽春作爲一時館閣傳誦

香漬金壺

墨未陳寄語玉堂畱典故頭廳幾見再來人

陳百泉太守試硯圖

晴窗走脈望古意珍涵星使君耽書癖不異孫過庭蕭
齋一枝管龍跳鸞鶴停我欲攜枯藤來訪墨妙亭所嗟
茶麻眼不辨撥鐙形況復詩思澀舊井無渟滌蕉團習
水觀十笏波泠泠何能從陶泓拾瀋更乞靈

十二月二十日攜兩孫登彌羅寶閣

城東傑閣闕元都歲例齋心撰日趨扶上籃輿還自喜
拄來綠玉直無須萬家煙火昇平景一幅高低界劃圖
最愛憑闌舒病眼雙雙健翮振雲衢

癸未三月遊吾與庵憩雲外室

極樂在能舍無生故長年

十字余贈澄公楹帖句也

蒲團聊小憩可

以息羣緣

無隱庵題壁四首

雨止偶入山流泉攔山路我從雲外來更入雲中去
屨中不可作涵虛能掩關我欲觀飛雲雲族還昌山

一勺可以泳知魚復知吾須知知樂者原不羨江湖

庵中

一泉極清冽余名之曰魚樂

雲意無去畱我心何適莫重來期何年看雲倚晴閣

過聞思庵不入以詩寄崑公

北風催歸棹雨罇獲清遊欲借經廬榻移筇待杪秋

題黃蕘夫徵蘭圖卷

圖爲陶筠叔寫

露蕊紛披整復斜
謝庭蘭玉擅清華
憑將陶令春風管
畱作黃家及第花

題林少穆廉訪孤山補梅圖扇

暗香疏影寺門前一別孤山二十年
今日風前看畫本
徑思重放裏湖船

隼旟想像駐山前
幽夢新詩記往年
分得幽香懷袖裏
恍如同上泛湖船

大樹圖爲王簣山觀察

樞關大樹何人植
聞說生年晉永和
老我散材非北海
愧無健筆記娑羅

唐李北海有娑羅樹記碑

又見孫枝中棟梁千雲溜雨慙冰霜披圖攬取參天影
畱與邦人賦召棠

瘞鶴銘爲簷山觀察

瘦骨埋來得地靈聲傳一一上青冥不知鶴壽今年幾

待寫新銘配舊銘

庚辰四月三日宿松
寥閣觀舊刻瘞鶴銘

記摩古碣坐僧寮仙影翩躚似可招吟到海峰江月句

原作有夢回江月
白魂返海峰青句夜來清夢又松寥

過玉松山房適葦間蕘圃春樊有東籬之集同

飲花下其賦

魚鱗雲捲沈寥天人到東籬便灑然已快平堤無積水

三才系集 卷二
更歡高隴盡翻田幽人自拓茱萸泝退士惟繙蔡癸篇
最是素心晨夕好不妨同醉菊花前

周勛齋司馬輓詩

交君四十載相憶輒相過看劍頻燒燭分箋或命歌尊
前今雨少地下故人多又灑西風淚浮生嘆逝波

出行春橋肩輿上吳山嶺小憩僧廬有作

春晴日暖愜幽尋捨棹閒遊優鉢林絕巘飛雲空色相
中庭古井印禪心杜門羨爾山居適拄策嗟余老病侵
指點王官生壙近潦年拱木向森森

擷芳亭前娑羅花放二十叢堯圃過訪作詩用

韻奉酬

浙東佛地樹娑羅

此樹爲西泠王松泉從天台華頂移來見贈

開到幽齋客

肯過華頂一株分蔭遠
擷芳今歲著花多
階前日暖能延佇
亭角香清可嘯歌
安得雙瞳翦秋水
名篇北海手重摩

仙山夢影圖

芝館雲房繞翠微
枕中仙夢尙依稀
仙山自有胡麻飯
汨汨何人肯息機

金母王氏節孝詩

玉節引雲旌
羣仙下碧城
杯斟絳幔酒
詩補白華笙
讀

憶九熊苦 恩邀綽楔榮護庭春正永接翹鳳和鳴

王簣山觀察來權臬篆駐節滄浪亭用余舊韻

賦詩次和二首

問俗來詞伯懷人上古亭雙旌風獵獵四野麥青青好
鳥啼深樹閒雲漾遠汀誰知鈴閣裏心賞是林垌

爲企前徽近

詩中有追憶尹文端公語故云

渾忘短景斜殷民心本合

覓句興偏賒春到池邊柳風驅雲裏鴉新篇儷六一餘

事亦傳家

歐陽公有和子美滄浪亭詩

走候簣山不值獨遊亭上疊用前韻

爲問甘棠舍何如歷下亭波光一道碧嵐影半欄青樹

密雲畱磴沙畎鷺聚汀知公心似水不異在郊坰
尚記前遊地驚心暮景斜更無吟嘯興但覺歲時賒
敬岸眠閒犢平田噪晚鴉今年非大有可念是農家

題金芸舫采芝圖

松根茯苓如栲栳世人但啄腥羶飽西飛白日笑人忙
誰肯抽身事幽討夫君夙世有仙緣千歲靈芝信手搴
持奉護堂羞夕膳披圖與補白華篇

題畫二首

杏豔桃紅彼一時幽姿天許占江湄拒霜自有堅貞性
不礙敷榮故故遲

芙蓉

晶毬壓架傍秋干火齊離離照綺筵最好西風涼冷候
堆棹適口味新鮮

葡萄

疊用羅字韻奉酬諸君見和之作

恍似羣仙下大羅花開見佛佛應過雙枝秀挺盤根固
七葉祥徵得氣多丈室惟宜經卷伴考槃敢擬碩人歌
垂簾畱取清芬永粉本重煩妙手摩

李定之女史爲花寫影再疊前韻

憑將湘管試兜羅落墨徐熙不汝過清淨地原塵事遠
蔚藍天本喬雲多最宜水觀泠泠坐不礙仙人踏踏歌
莫道赤城霞起景

琢堂有遊天台之典故云

冥心只合伴維摩

蕘圃送紅豆花一枝

正是迎梅密雨時
病眸如霧嘆衰遲
知君欲寄長相憶
脫手詩成媵一枝

蕘圃以王忘庵所寫紅豆花畫幅索題復用前韻圖爲毛君叔美所藏

又是江南燒筍時
忘庵應恨我生遲
白頭好事來山谷
更與殷勤寫折枝

名篇妙繪豔當時
一幀畱傳見獨遲
莫便臨池嘆衰晚
天教老眼看孫枝

庭角瑣瑣葡萄發花詩以紀之

新綠羃書堂奇葩發異香何年移絕域此地壓羣芳
預想分甘樂還思釀酒方拈毫徵故事先領北窗涼

靜觀圖

萬物自並作至人息羣緣惟能塞其兌乃以全其天
娟松頂雲瀏瀏山下泉鳥棲樂深林魚遊樂重淵所以
君子心燕處常超然

沈采石女史山水畫冊

雲山光景自常新話到荆關跡總陳想見玉臺閒點筆
只師造化不師人

姪孫曾沂西湖秋柳詩畫卷

煙柳絲絲覆畫船一枝柔艣蕩春煙喚回六十年前夢
夢我湖船中酒眠

指點風鴉歸影遲露條千縷尙如絲須知搖落江潭候
不似靈和殿裏時

郊行

無雪得微雨兩晴嵐翠橫孤篷仍獨往萬戶已春聲病
久塵緣絕年衰薄俗輕徂眡歡婦子吾亦喜郊行

次彭葦間太守知魚樂舫韻二首

池館依青山地與市塵隔側聞盍朋簪芳筵傾玉液荷
風香氣散意並遊魚適三爵想油油悠然忘主客

衰老憐病夫未獲與觴詠剝啄走平頭新篇踵舊令香
風襲襲生翠蓋亭亭勁八韻抵兼金三復塵襟淨

孫樸齋戴笠圖

占得江鄉一釣磯纖塵不染芰荷衣前身定是元真子
細雨斜風歸不歸

蟬聲蓑影聚東阡正是農家插蒔天今日相逢臨頓里
便攜臺笠上湖船

劉瑞圃卷勺園圖

有客傳魚素憑軒展畫圖數弓觴詠地一角水雲區漉
酒思彭澤餐英慕左徒撰辰帆可挂也擬其歌呼

送石琢堂遊天台

秋中氣爽露華清十幅蒲帆指赤城想到石梁行處穩
故人霞客定相迎

題紅豆書樓圖爲毛叔美顧晚芳夫婦

小樓春暖日遲遲嫩綠嫣紅映墨池最羨清才兼豔福
畫眉纔罷共題詩

詠絮才名屬謝家湘簾紫几擅清華何須更說相思子
此是西天稱意花

和左仲甫中丞山塘載菊韻

近游載得滿船花老筆新篇樸且華去住情懷原不繫

春秋佳景信無涯
遙思三徑攜筇竹
閒看東籬豔綺霞
誰識風光誇綠野
蕭疏不異野人家

次仲甫韻寄葦間

秋花爛漫似春花
豐歲人情戀物華
共說山塘今更好
可知世事本無涯
何須旄鉞光增價

用劉賓客詩意

自有篇章

豔鬪霞撰日更思同放艇
絃詩兩地擅專家

弟雲浦哀詞

奠罷虛堂黯愴神
燭花吐燄酒生鱗
早知怛化原無盡
制淚還將酸語陳

瀾翻八索與三墳
老學庵中學更勤
君似子由真是友

我師和仲愧無文

聲華藉藉說吳潘坦率仍嗟行路難却笑能詩竺香子

漫思月選注雙單

弟與吳二少甫來試京兆哲兄蠶濤與余同官時有二吳三潘之稱嗣失

解南歸余送至彰儀門有湖天欲雪念衣單之句同年

汪竺香和韻云尚思月選注雙單蓋竺香時充四庫館膳錄歲滿注選當外授縣令也是科榜後弟亦以薦卷挑取四庫館膳錄

我冠國子坐中賓廣廈三間憶靜春那得邱遲來塞外

翦燈重與話前塵

甲午歲余在京師寓果子巷自書楹帖廣廈杜陵詩裏屋峩冠國子坐中

賓芝房邱翰林見而愛之九月十三日余過雲浦猶詢及此聯忘其上句及余記出而雲浦已逝矣靜春余齋

名也

早歲何人肯息機傳經劉向願無違逍遙富貴君兼擅

仙骨真宜一品衣

收將煙景坐蓬壺

弟園中齋名

夢繞清波裏外湖一事歸來

猶有憾未攜賓從訪交蘆

西冷庵名昔年王述庵侍郎爲余話西冷蘆花之景余未

得遊弟亦以未到爲憾

衰年只合學躬耕生壙先圖札舛嬰悟得火傳無盡意

底須妄想覬彭鏗

平生故物是青氈不葺丹房不習禪共說元申夜坐足

曉窗猶自理芸編

白頭筋力最堅強榆映承歡歲月長想見懸崖能撒手

定應飛步躡雲將

榆映弟書堂名

談往頻增宿草悲，看山讀畫歎吾衰。
三松隱几支離叟，此後論心更與誰。

和堯圃消寒韻

蝶龕夢醒上燈時，展誦新吟兩首詩。
試問懸魚迎竹馬，何如貰酒解金龜。
閒身木雁吾能置，榮願苓通子早知。
聞道書城排日飲，十分到手肯堅辭。

故云

堯圃以候補縣令改京職又不赴選

沙鷗一首

沙際一鷗立不鳴，亦不飛自憐儔侶少。
肯慕稻梁肥得食，雀方噪呼羣鴉已歸。
須知守素者不是戀漁磯。

題錢芳儀女史墨蘭遺蹟

一幃綠雲鋪湘簾珮響徂仙壇香冉冉好去伴麻姑

掩扉

自從棲白社長日掩荆扉臘盡寒猶劇沙暝春欲歸老
年應避客衰體不勝衣只合同袍子銜杯聽屑霏

嘉平四日和黃堯圃韻

莫因急景歎衰遲收斂神光須及時伏枕吾方隨舞蝶
支牀古亦有靈龜澄懷應識味無味上士從來知不知
指點庭前松桂在相期同保後凋姿

枕上復成一律奉柬堯圃

歸田卅載掩柴門巷北街南枉過存人世推排成一老
詩篇假借媿雙元來詩有一老雙元之句故云乙鴻兩見何須辨蕉
鹿鄙忘賸有痕十八年來陳卷在不妨暇日與重論

春樊送素心蠟梅一枝賦謝

一枝香報臘前春歲晏朋情愛爾真鼻觀參來通舌本
玉池夢醒噉頰頰

素心相對復何思花不能言意可知莫笑腐儒詩近腐
黃中通理玩坤辭

晴窗柬韓聽秋並寄懷桂舫

舞綵堂前酒滿卮小林屋裏坐哦詩到心往事成新夢

照眼繁陰茁舊枝月白風清懷子美綠蓑青箬慕天隨
鍾吾山下春如水何日相攜去采芝

除夕黃蕘圃用丁卯歲除韻作詩次和

耄矣神明誠外馳半生託業悔文辭林間暮雀惟求宿
窗下晨雞不失時九九工夫吾欲守三三密諦子能窺
貞元剝復天心見試看新蕙長舊枝

雪窗寒甚用郊行韻

微雨竟成雪紛紛縱復橫曜窗迷幌影壓竹想簷聲味
訝醇醪薄寒嫌狐貉輕明朝晴放艇也作剡溪行

雨雪連朝杜門不出復疊前韻

斂退何能免坐馳祇應良背玩爻辭已過雪虐風饕候
未到花明柳媚時農事歡聽郊外動天心可許筦中窺
蕉團夢醒鑪煙裊聞喚童孫爲折枝

大除日復疊丁卯年韻

八十年華駛若馳飛箋迭唱復何辭杯斟柏子添新興
坐擁梅花似舊時溪畔推篷誰過訪籬邊披氍客來窺
老夫預卜豐登兆笑看高梧鵲占枝

思作西冷之遊柬諸同好

水國春寒不放晴閉門時序到清明關心世事兼身事
聒耳風聲又雨聲擬築糟邱娛暮齒莫將毛穎獵虛名

舉亭聞道桃花滿沙畔閒鷗舊有盟

題梅亭圖爲汪梅亭

春風昨夜來江國冷蕊疏枝濃覆屋幽人宵次如冰玉
坐賞行吟日不足尋芳我亦愛春游卅年虛願營菟裘
最羨高齋風雪裏水晶簾捲珊瑚鉤

韓聽秋七十壽

交情兼戚誼兩世紀羣深人海聲華遠衡門歲月駸猶
耽左氏簡誰賞子昂琴自述題新咏真同擊壤吟

耆舊吳中渺君家多大年孫曾能濟美仙佛本前緣窮
達何關我升沉早信天蒼南紫氣滿介雅集喬佺

弟雲浦旣逝姪孫曾沂以臨頓新居圖卷并遺

句索題卽用原韻以誌餘哀

搜篋得遺句移家賦小園秋亭曾緩步疏鑿記同論宿

草悲江夏

弟妻舅黃君圖新應超國華與余兄弟最善今皆卽世每因談往及之輒深感歎新

篇賞巨源

弟門下士歸安孫君衍慶長於詩古文弟每標舉佳句以爲吟賞連牀無復

日窗外雨聲喧

再題臨頓新居圖

幽棲臨頓路勝景鳳池園拄杖春秋暇銜杯今古論于
時歌止止來我喜源源此日蓬壺坐愁聽燕語喧

權廉訪梁苴林觀察以滄浪亭館圖冊索題

天邊鴻爪猶餘跡，門外滄浪可濯纓。人爲召棠傳妙詠，我思郇雨聽歌聲。

習公池與庾公樓，勝地高名自古留。想見凝香心似水，肯輸前輩擅風流。

秋試將屆寄族姪晉侯

世爵

東甫

世鏞

泉清松茂溯家風，老屋猶存一畝宮。簡冊已亡誰數典，

壁間遺帖認尤侗。乾隆壬午余舉于鄉上冢還家住博鄉堂後見楹帖十字爲尤西堂先生

贈先高祖其蔚公故物

千佛名經占兩名，酉科佳話記分明。秋高桂嶺濃香滿，

應識衰翁望遠情。乾隆乙酉秋試家伯在澗與弟奕藻並登賢書今六十年又逢乙酉計必

有連鑣同
捷者故云

宋悅研少寇輓詞

白頭生事感無涯每爲談深坐日斜共識丹心依絳闕

但留清影伴梅花

君善畫梅

才名早歲同僚重治行中朝老

輩誇

君由侍讀出守廉州觀察燕湖繼由京兆長刑曹爲舒文襄阿文成所器重

莫怪寢門

頻灑淚卅年舊雨夢東華

乾隆癸巳甲午與君同直內閣中間忽離忽合回首舊遊

恍如隔
世事矣

齊梅麓期八月後見過不至以詩寄懷

底事秋來竟爽期長天帆影盼遲遲要看行篋新收畫

快讀高齋疊韻詩有筆翰君齊玉局無才笑我學天隨

何當水闊雲深處同著荷衣狎釣師

題萬峰獨立圖

圖是翟雲屏大坤爲沈歸愚宗伯作今歸毛

君叔美叔美雲屏孫壻也

奇峰矗天際賈勇記當年

乾隆丙申余游黃山宿天都峰文殊院

茗啜文

殊院琴聽江麗田

江麗田歙縣人精琴理能隸書不下山已二十餘年矣

舊游渾

似夢禿管不能妍安得雲屏子重聯翰墨緣

翟君子厚于乾隆庚

子辛丑年間相聚最密

乙酉小春七日宿吾與庵贈心誠願根雨禪師

老厭塵中味閒尋雲外居開堂儼古佛高枕卽吾廬

水曹溪味饒飧香積餘一編成道記頻展讀殘書

指點見山閣煙嵐擁萬層茶瓜留客處談笑憶吾曾過

去非無影長明自有燈

憶澄谷長老也

來朝期越嶺還理舊行

幡

欲游鍾吾因雨不果寄補樵鍊師

禪房夜甘寢夢醒懶晨征側想上真路愁聽密雨聲物

情歡樂歲天意助深耕

時田家望雨甚殷

爲訂重游日春來須

暖晴

雨止放船鍾吾山下

春到寒猶峭遊心度瀆川雪深銅井路香送太湖船退

士聯吟侶名山有夙緣遙知一粟夜驚起道人眠

張雲裳女史謝庭香雪巷

謝女閒庭春晝長春風暖到綠沈槍驚才壓倒青邱子
一噫收來萬樹香

韓桂舫司寇秋帆圖

沙畔羣鷗舊有盟主恩容易許歸耕八驕呵唱聽應
厭何似扁舟襖靄聲

歸楫生衣四十年喜聞吟侶又歸田何當便著荷衣去
同上西風鳴嘴舩

夏烈女詩

錢辛楣宮詹爲作記

烏龍山水鳴咽自年年
夏女貞蕤勁錢文老筆堅
靡宅豈是學取義
總由天合並曹娥碣
千春女史傳

嘉平中澣七日攜爾孫登彌羅寶閣

元都傑閣歲年登
每恐衰殘力弗勝
屏氣攝齊孫自慣
循牆拾級我還能
飯心祇願依三寶
放眼惟宜上一層
爲語少年勤讀易
須知不息利冥升

丁亥春朝試筆

獻歲渾無事
今朝可掩關
身疑副墨子
夢到沃洲山
嫩萼紅心茁
柔條綠意慳
最憐雙翠羽
知止語絲蠻

汨汨人間事
于心了不關
拋書宜命酒
投枕當樓山上

客應嫌懶平交任笑慳石湖風月好吾欲狎漁蠻

吾與庵老僧念實邀看梅花以詩寄柬

無樾門常設衰年學閉關老僧飛折簡掃榻待遊山香
界原無盡筍厨定不慳相期風色穩準擬榼攜蠻

客有言子漸有衰態用蠻字韻曉之

日高慵未起繞室鳥關關綠漲橫塘渡花開銅井山豪
情取次減筋力未全慳卻笑香山叟風痺始遣蠻

陳琳簫春風鬢影圖

夏天修竹欲成林林下清風愜素襟擬拂冰絃還袖手
早知塵海少知音

市碎千金歎拾遺春風庭院日遲遲成虧誰識微茫旨
此是昭文不鼓時

梁茵林方伯滄浪亭圖

重來瞻使節更喜讀新圖魚鳥舊相識林亭興不孤高
情狎雲水韻事續歐蘇潑墨朝川子拈毫定念吾

王椒
畦作

東坡先生生朝桂舫尙書懸像設祭招同人飲
福以詩奉柬並索和章

迎年天意許堅晴來聽檐前碎玉聲肯以行藏殊臭味
要將冰雪淨聰明青熒燈下頻搜句笠屐圖邊願署名

定有新詩畱韻事來朝傳遍闔閭城

復用晴字韻索同席諸君子和

誰料今朝竟老晴檐前點滴漸無聲共攜天上黃棉襖
來覈仙家玉糝羹洗盞正歡臘酒熟坐軒更快紙窗明
何當也寫新圖卷糾笠相依澤澤耕

三月十七日游吾與庵

暫輟書帷課言尋開土窩羣山斂宿靄一徑轉煙蘿入
坐容疏放憑軒可嘯歌僧雛應竊笑步履更婆娑

吾與庵傍隙地一畝庵僧心誠創開放生池掘

地得古井淤而不涸疏之有泉涌出清冽可

鑑螯石作闌請名於余名之曰天眼佛有五
眼一曰天眼且地天平山下也因系以詩
山僧疏地脈舊井待新詩顯晦原由數澄瑩今應時人
謀合緇素天意協慈悲病眼宜虔洗濡毫吾肯辭

歸舟漫興

厭看屋瓦似魚鱗放艇郊原耳目新勝日招邀宜勝地
春風澹沱引春人鶯花世界耕耘樂蔬筍齋廚笑語真
最好興闌歸櫂緩柁樓送客有冰輪

爲韓見南題其外曾祖錢訥生雙鬢索句圖

有序

訥生名襄居元都觀東之樸雅齋書名重吳

下乾隆壬午 高廟南巡獻詩賦 賜舉

人 授中書予亦以是秋舉於鄉爲同年友

癸未春試罷歸先生與予同舟南下讀畫論
詩極一時之樂今先生外曾孫韓君見南持
是圖索題回首前塵六十餘年矣所謂樸雅
齋者已不知歸何處而是卷獨存感歲月之
不居信翰墨之可貴因題二十八字歸之見
南俾珍藏焉

一枝湘管託生涯宦退飛騰暮景斜名士美人盡黃土
賸餘韻事藝林誇

六月曾孫觀保生十月曾孫介繁生詩以志喜
晴窗旭景送和風閭左頻看喜氣充鍵戶常時甘晝寢
築場今歲慶年豐試啼兩見孫生子侍膳偏憐兒作翁
最是芻尼解人意勝占吉夢協巖熊

余曾夢見雙
鵠集于階前

爲陶雲汀中丞題滄浪五老圖

君子平其政冲襟與古期本無絲竹肉兼有畫書詩聞
望潯陽峻林亭子美遺釣游懷少歲耄及喜肩隨

年屆九旬科逢己丑蒙

恩賞加四品卿銜重赴恩榮筵宴恭賦紀

恩

潞河南下歲頻更解組常懸戀

闕情樛櫟最憐虛素抱桑榆真愧荷

殊榮簪毫紫塞曾衝虎待漏

金鋪記聽鶯步屨村村自花柳慣從田父話

昇平

臨頓西徧一徑斜門依水閣淥周遮懸弧喜聽將雛曲

戊辰辛未始得兩孫
今已各舉一子矣散策閒看及第花乾隆癸丑姪世
恩乙卯恩科

子世璜延試俱列一甲那有涓埃能報

國祇留清白與傳家松堂禿管塗鴉滿天賜分甘也漫

誇家藏右軍天賜帖中有云一味之甘剖
而食之以娛目前愛其語意時臨一過

微生四遇歲朝春吉語傳來九烈神耕鑿萬方忘

帝力共球率土戴

皇仁鳳儀廣洽園橋日虎拜歡騰偃伯辰莫爲循牆笑
衰老

鈞天同聽總前因

一家七葉忝衣冠浩蕩

恩波似海寬庭下喬松延杖履檐前修竹報平安壓裝

峻節瞻廉石畫粥清風仰歲寒尙記元臣貽訓語留心

學到古人難

乾隆己丑
官奕雋名列

進

殿試諸城劉文正公爲讀卷
呈十卷中引見遲到

降附三甲以

謂曰汝書學顏平原頗有法度因以紙求公書公以立

朝考入選授中書曾于西苑侍直公

聊怕隨流俗轉留心學到古人難四字書楹
帖爲賜今老而無成未嘗不愧負期望之深也

故人好我視周行努力相期愛景光

乾隆丙申杭州一峰訪余于昭慶

寺爲談養生之術留一月別去

斂退正宜守氣母簡緣只合養心王鹿

亭魚漚新篇少三竺雙峰舊夢長爲語門前問字者莫

談畏壘擾庚桑

五風十雨歲時和跌坐還將病眼摩鶴市諺言哂客妄

桃源仙境憶吾過

桃花源在湖南武陵縣乾隆丙午鄉試奉使黔中曾一游之

楷模

老輩人非遠翰墨同寮蹟未磨

本朝重宴瓊林者宛平黃崑岡侍郎溧陽史

文靖無錫稽文恭兩相國大興翁覃溪閣學近又有江
西郭經厯祚熾共得五人覃溪在京邸晨夕過從所貽

書翰珍願與
留篋中

熙朝增典故不妨擊壤和賡歌

題陳芝楣觀察棠芝圖

觀察爲秦芝軒尚書壻道光庚辰有芝苗於甥

館海棠樹上觀察是年以第三人及第黃左田尚書爲作圖先是芝軒尚書以乾隆庚辰登第亦有芝產於庭錢鐘石侍郎爲作圖同人唱和有瑞芝堂集

庚更佳話兆奇祥百福耆英翰墨香

秀水百福里籜石先生所居也先

後藝林成故事披圖耀采仰甘棠

神芝本是科名草向日重開旌節花盛德鍾靈真是瑞
天心與善信無差